



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

23.05.2014թ.

Ո Ր Ո Շ ՈՒ Մ

ԳԲԽ-14/14 բողոքը քննող հանձնաժողովի

ԳԲԽ-14/14 բողոքը քննող հանձնաժողովը՝ գործելով գնումների բողոքարկման խորհրդի անունից, քննելով «Վազա-Ֆարմ» ՍՊԸ-ի կողմից 05.05.2014թ. «Գնումների աջակցման կենտրոն» ՊՈԱԿ-ին ներկայացված բողոքը, ինչպես նաև ուսումնասիրելով ԳԲԽ-14/14 բողոքի վերաբերյալ «Գնումների աջակցման կենտրոն» ՊՈԱԿ-ի կողմից ներկայացված եզրակացությունը պարզեց.

1. «Վազա-Ֆարմ» ՍՊԸ-ի կողմից ներկայացված փաստերը, հիմնավորումները և պահանջը.

«Գնումների աջակցման կենտրոն» ՊՈԱԿ-ին 05.05.2014թ. ներկայացված բողոքով «Վազա-Ֆարմ» ՍՊԸ-ն տեղեկացրել է, որ «Սուրբ Գրիգոր Լուսավորիչ» բժշկական կենտրոն ՓԲԸ-ի կողմից 28.04.2014թ. կազմակերպվել է «ԳԱԿ-ՇՀԱՊՁԲ-11/4 ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգ, որի վերաբերյալ «Վազա-Ֆարմ» ՍՊԸ-ն չի ծանուցվել և չի կարողացել մասնակցել այդ ընթացակարգին:

«Վազա-Ֆարմ» ՍՊԸ-ն հայտնել է, որ «Սուրբ Գրիգոր Լուսավորիչ» բժշկական կենտրոն ՓԲԸ-ն խախտել է ՀՀ կառավարության 10.02.2011թ. թիվ 168-Ն որոշմամբ հաստատված կարգի 41-րդ կետի 2-րդ ենթակետը, համաձայն որի՝ գնումների կամ նախաորակավորման հայտարարության և (կամ) հրավերի տեքստերը հաստատվելու օրվան հաջորդող հինգ աշխատանքային օրվա ընթացքում քարտուղարը հրավերը, էլեկտրոնային եղանակով, միաժամանակյա ծանուցմամբ ուղարկում է «Գնումների մասին» ՀՀ օրենքի 16-րդ հոդվածի 1-ին մասի 3-րդ կետի «ա» ենթակետի համաձայն հրապարակված

շրջանակային համաձայնագրեր կնքած բոլոր մասնակիցներին, եթե գնումը կատարվում է շրջանակային համաձայնագրերի միջոցով:

«Վազա-Ֆարմ» ՍՊԸ-ն խնդրել է անվավեր ճանաչել «Սուրբ Գրիգոր Լուսավորիչ» բժշկական կենտրոնն ՓԲԸ-ի կողմից կազմակերպված «ՍԳԼ-ԱՊՁԲ-14/11» ծածկագրով գնման ընթացակարգը:

2. «Սուրբ Գրիգոր Լուսավորիչ» բժշկական կենտրոնն ՓԲԸ-ի կողմից բողոքի վերաբերյալ ներկայացված փաստերը և հիմնավորումները.

«Գնումների աջակցման կենտրոն» ՊՈԱԿ-ը 07.05.2014թ. N 011/032-802 գրությամբ դիմել է «Սուրբ Գրիգոր Լուսավորիչ» բժշկական կենտրոնն ՓԲԸ-ին՝ խնդրելով կարծիք տալ «Գնումների աջակցման կենտրոն» ՊՈԱԿ-ում 05.05.2014թ. «Վազա Ֆարմ» ՍՊԸ-ի կողմից ներկայացված բողոքի վերաբերյալ:

«Սուրբ Գրիգոր Լուսավորիչ» բժշկական կենտրոնն ՓԲԸ-ն 08.05.2014թ. N 01-14/1931 գրությամբ «Վազա Ֆարմ» ՍՊԸ-ի կողմից ներկայացված բողոքի վերաբերյալ հայտնել է հետևյալը.

«Սուրբ Գրիգոր Լուսավորիչ» բժշկական կենտրոնն ՓԲԸ-ն 2014թ. ապրիլի 15-ին հայտարարել է «ԳԱԿ-ՇՀԱՊՁԲ-11/4 ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգ:

Մրցույթի հրավեր-ծանուցումը 2014թ. ապրիլի 15-ին ուղարկվել է apranq-11-4@shh.gnumner.am էլեկտրոնային փոստին: Հայտերի բացման նիստը տեղի է ունեցել ապրիլի 28-ին, ժամը 12:00-ին, որին մասնակցել են 2 դեղագործական ընկերություն:

Միաժամանակ «Սուրբ Գրիգոր Լուսավորիչ» բժշկական կենտրոնն ՓԲԸ-ն Կենտրոնին է ներկայացրել 15.04.2014թ. tender@sglmc.am էլեկտրոնային փոստի հասցեից ուղարկված հրավերի (ծանուցման) քաղվածքը:

«Սուրբ Գրիգոր Լուսավորիչ» բժշկական կենտրոնն ՓԲԸ-ն 15.05.2014թ. N 01-14/2030 գրությամբ դիմել է Գնումների աջակցման կենտրոնին և հայտնել, որ «Սուրբ Գրիգոր Լուսավորիչ» բժշկական կենտրոնն ՓԲԸ-ի կողմից 15.04.2014թ. հայտարարված «ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգը գնահատող հանձնաժողովի որոշմամբ հայտարարվել է չկայացած՝ կից

ներկայացնելով՝ «ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգը չկայացած հայտարարելու մասին հայտարարությունը:

3. ԳԲԽ-14/14 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը.

«Գնումների աջակցման կենտրոն» ՊՈԱԿ-ը հանձնաժողովին ներկայացրել է իր եզրակացությունը և առաջարկել է «Վազա-Ֆարմ» ՍՊԸ-ի կողմից 05.05.2014թ. Կենտրոնին ներկայացված բողոքը մերժել:

4. ԳԲԽ-14/14 բողոքի վերաբերյալ էական նշանակություն ունեցող փաստերը, ԳԲԽ-06/14 բողոքը քննող հանձնաժողովի հիմնավորումները և եզրահանգումները.

Հանձնաժողովն ուսումնասիրել է «Վազա Ֆարմ» ՍՊԸ-ի (այսուհետ՝ նաև Բողոքաբեր) կողմից 05.05.2014թ. ներկայացված բողոքը, «Սուրբ Գրիգոր Լուսավորիչ» բժշկական կենտրոն ՓԲԸ-ի (այսուհետ՝ նաև Պատվիրատու) Կենտրոնին 08.05.2014թ. և 15.05.2014թ. ներկայացրած համապատասխանաբար NN 01-14/1931 և N 01-14/2030 գրությունները, «Գնումների աջակցման կենտրոն» ՊՈԱԿ-ի եզրակացությունը:

«Սուրբ Գրիգոր Լուսավորիչ» բժշկական կենտրոն ՓԲԸ-ի կողմից դեղորայքի և պատվաստանյութերի ձեռքբերման նպատակով կազմակերպվել է «ԳԱԿ-ՇՀԱՊՁԲ-11/4 ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգ (այսուհետ՝ նաև Ընթացակարգ), որի վերաբերյալ Պատվիրատուն սահմանված կարգով չի ծանուցել «Վազա-Ֆարմ» ՍՊԸ-ին, ինչի արդյունքում վերջինս զրկված է եղել Ընթացակարգին մասնակցելու իր հնարավորությունից:

Բողոքաբերը հայտնել է, որ Պատվիրատուի կողմից խախտվել են «Գնումների մասին» ՀՀ օրենքի 16-րդ հոդվածի 1-ին մասի 3-րդ կետի «ա» ենթակետով և ՀՀ կառավարության 10.02.2011թ. թիվ 168-Ն որոշմամբ հաստատված կարգի 41-րդ կետի 2-րդ ենթակետով սահմանված պահանջները՝ խնդրելով անվավեր ճանաչել «Սուրբ Գրիգոր Լուսավորիչ» բժշկական կենտրոն ՓԲԸ-ի կողմից կազմակերպված «ՍԳԼ-ԱՊՁԲ-14/11» ծածկագրով ընթացակարգը:

Պատվիրատուն 08.05.2014թ. Կենտրոնին ներկայացրած N 01-14/1931 գրությամբ հայտնել է, որ «Սուրբ Գրիգոր Լուսավորիչ» բժշկական կենտրոն ՓԲԸ-ի կողմից դեղորայքի

պատվաստանյութերի ձեռքբերման նպատակով կազմակերպվել է «ԳԱԿ-ՇՀԱՊՁԲ-11/4 ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգ: Ընթացակարգի հրավեր-ծանուցումը 2014թ. ապրիլի 15-ին ուղարկվել է aprang-11-4@shh.gnumner.am էլեկտրոնային փոստին: Հայտերի բացման նիստը տեղի է ունեցել ապրիլի 28-ին ժամը 12:00-ին, որին մասնակցել են 2 դեղագործական ընկերություն:

Պատվիրատուի կողմից Կենտրոնին է ներկայացվել 15.04.2014թ. tender@sglmc.am էլեկտրոնային փոստի հասցեից aprang-11-4@shh.gnumner.am էլեկտրոնային փոստի հասցեին ուղարկված նամակի քաղվածքը:

«Գնումների մասին» ՀՀ օրենքի (այսուհետ՝ նաև Օրենք) 16-րդ հոդվածի 1-ին մասի 4-րդ կետի համաձայն՝ Գնումների աջակցման կենտրոնն իրականացնում է էլեկտրոնային գնումների համակարգի սպասարկման և համակարգման գործառույթները:

Կենտրոնում կատարված ուսումնասիրության արդյունքում պարզվել է, որ aprang-11-4@shh.gnumner.am ավտոմատ ծանուցման համակարգում Գնումների աջակցման կենտրոնի grancum1@armeps.am տեստային էլեկտրոնային փոստի հասցեին 15.04.2014թ.-ին tender@sglmc.am էլեկտրոնային հասցեից հրավեր (ծանուցում) չի ստացվել:

«Դեղորայքի և պատվաստանյութերի» ձեռքբերման «ԳԱԿ-ՇՀԱՊՁԲ-11/4» ծածկագրով ընթացակարգի ավտոմատ ծանուցման էլեկտրոնային հասցեն է՝ aprang-11-4@shh.gnumner.am, մինչդեռ Պատվիրատուն 15.04.2014թ. tender@sglmc.am էլեկտրոնային փոստի հասցեից հրավերն (ծանուցումը) ուղարկել է aprang-11-4@shh.gnumner.am էլեկտրոնային փոստի հասցեին՝ «aprang» բառի փոխարեն նշելով «aprang» բառը:

Այսինքն, Պատվիրատուն նշելով սխալ էլեկտրոնային հասցե, հրավերը միաժամանակյա ծանուցմամբ չի ուղարկել շրջանակային համաձայնագրեր կնքած մասնակիցներին:

Օրենքի 16 հոդվածի 1-ին մասի 3-րդ կետի «ա» ենթակետի համաձայն՝ Գնումների աջակցման կենտրոնը գնահատում է մասնակիցների՝ գնումներին մասնակցելու իրավունքը և որակավորումը, կնքում է շրջանակային համաձայնագրեր, կազմում և տեղեկագրում հրապարակում է շրջանակային համաձայնագրեր կնքած մասնակիցների ցուցակը:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 41-րդ կետի 2-րդ ենթակետի համաձայն՝ հրավերը էլեկտրոնային եղանակով, միաժամանակյա ծանուցմամբ ուղարկվում է օրենքի 16-րդ հոդվածի 1-ին մասի 3-րդ կետի «ա» ենթակետի համաձայն հրապարակված շրջանակային

համաձայնագրեր կնքած մասնակիցներին, եթե գնումը կատարվում է շրջանակային համաձայնագրերի միջոցով:

Հրավերի 1-ին մասի 6.1 ենթակետի համաձայն՝ նույն ընթացակարգի շրջանակներում գնում կատարելու նպատակով պատվիրատուն շրջանակային համաձայնագրեր կնքած բոլոր անձանց միաժամանակ ծանուցում է հայտ ներկայացնելու մասին՝ կցելով կնքվելիք պայմանագրի նախագիծը և ներկայացվելիք փաստաթղթերի օրինակելի ձևերը:

Այսպիսով, գտնում ենք, որ Պատվիրատուի կողմից խախտվել են Կարգի 41-րդ կետի 2-րդ ենթակետով և Հրավերի 1-ին մասի 6.1 ենթակետով սահմանված պահանջները, որի արդյունքում բողոքաբեր կազմակերպությունը զրկվել է Ընթացակարգին մասնակցելու հնարավորությունից:

Բացի այդ, Պատվիրատուն 15.05.2014թ. N 01-14/2030 գրությամբ Կենտրոնին հայտնել է, որ «Սուրբ Գրիգոր Լուսավորիչ» բժշկական կենտրոն ՓԲԸ-ի կողմից 15.04.2014թ. հայտարարված «ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգը գնահատող հանձնաժողովի 2014 թվականի մայիսի 12-ի թիվ 3 որոշմամբ հայտարարվել է չկայացած՝ կից ներկայացնելով Ընթացակարգը չկայացած հայտարարելու մասին հայտարարությունը:

Ելնելով վերոգրյալից և հաշվի առնելով այն հանգամանքը, որ «Վազա-Ֆարմ» ՍՊԸ-ի կողմից 05.05.2014թ. բողոքով Կենտրոնին ներկայացված «Սուրբ Գրիգոր Լուսավորիչ» բժշկական կենտրոն ՓԲԸ-ի կողմից դեղորայքի և պատվաստանյութերի ձեռքբերման նպատակով կազմակերպված «ԳԱԿ-ՇՀԱՊՁԲ-11/4 ՍԳԼ-ԱՊՁԲ-14/11» ծածկագրով շրջանակային համաձայնագրի միջոցով գնում կատարելու ընթացակարգն անվավեր ճանաչելու մասին պահանջը բողոքի քննության ընթացքում դարձել է առարկայազուրկ, քանի որ մինչև Գնումների բողոքարկման խորհրդի կողմից համապատասխան որոշում ընդունելը Պատվիրատուն կայացրել է որոշում գնման ընթացակարգը չկայացած հայտարարելու մասին, ինչպես նաև հիմք ընդունելով «Գնումների մասին» ՀՀ օրենքի 48-րդ հոդվածի 5-րդ մասը Գնումների բողոքարկման խորհուրդը

Ո Ր Ո Շ Ե Ց


«Վազա-Ֆարմ» ՍՊԸ-ի կողմից 05.05.2014թ. «Գնումների աջակցման կենտրոն» ՊՈԱԿ-ին ներկայացված բողոքը մերժել:

Գնումների բողոքարկման խորհրդի որոշումն իրավապարտադիր է:

Գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողովի՝


Նախագահ՝ Արման Մնացականյան



Անդամներ՝ Արուսյակ Հովհաննիսյան



Ռուդիկ Ներսիսյան



Առդիր՝ 6 թերթ:

Հարգանքով՝

պետական ծառայության պաշտոնատեղում

Կ. ԹՈՒՆԵՍՆ

Կարգավոր

Գնումների բողոքարկման և

անաւանդման բաժին

Ե. Միկայելյան

Դեպ. 24-25-38